

Instala Airecon-
dicionado na bo
cas AWOR!



Tel. 2170

ARUBA ANSE COURANT



Diario



pa Aruba



DIABIERNE 27 DI MEI 1960

Nr. 3744

Convencion di ASTA a cuminza

Elogio pa e despacho rapido y eficiente di multitud na yegada

ORANJESTAD — Cien y cinco pasahero a baha foi dje avion; caranan blanco di terra friu cu wowonan cu mester forsa pa soporia e solo fuerte tropical, sayanan bulando den e bienlu duro di passaal, sombrenan di cabana, cu ta recuerdo di Puerto Rico, musica candente di steelband, mucha muhernan arubana bunita bisti den un traje strano, un terraza y plataforma cu un multitud enorme, saludando otro dunando man y cu e cordial saludo di e mericanonan „Hi“. Asina tabata e aspecto di jegada na Aruba ayera mainta di e prome grupo y tambe e grupo di mas grandi di e convencionista-
nan di ASTA.

Un cuarto pasa di diez e avion di Trans Caribbean Airways a yega Prinses Beatrix Airport. Pero di un bora y mei prome cu esei caba e comision di recepcion tabata na aeropuerto ta sperando. E avion lo a yega trepan segun ultimo informacionnan cu a drenta dia-
razon anochi. Sin embargo e tempo di spera a worde utilisa bon por lo menos e steelband a hanja bon chens di ripiti su piezanan un blaha mu y e comision di recepcion, cu badres y decoracionnan riba nan pechu, tabatin bon chens pa haci e ultimo preparacionnan. Y ora cu e cantidad di hendenan a presenta — tabata como si fuera no ta-
batin fin na e multitud cu tabata baha fol dje avion — e despacho na e apro-
puerto a marcha particularmente bon y facil.

Emocionante

Den e vestibulo di recepcion man-
nan servicial mientras tanto tabata yena glasnan di Cucui. Tur es tempo
emigracion tabatin atende e diezun
otro turistanan cu a bini cu e mes
aeroplano. E 94 convencionistanan
di ASTA solamente mester a entrega
nan paspoort y camita pasa bai pafu-
na unda tabatin transportacion speran-
do nan caba. Auto tras di auto tabata
yena y tabata sali pa Aruba Caribbean
Hotel. Ora cu e taxi-nan a „caba“, por
a worde hasi uso di diferente auto-
nan di e comerciantenan cu especial-
mente pa e ocasion aki a pone nan
autonan disponible. Te hasta riba

acera tabatin hende cu tabata yuda
dirigi e trafico.

Tabata berdaderamente emocionante
con Aruba a haci tur loka ta posibel na
laga e convencion aki bira un exito di
su principio caba.

E maletanan di e pasaheronan a
worde cara mes ora di e avion pa e
dos trucknan cu tabata nani cla.
Donan no a controla nada. Derechi-

kier a lubida New York tan pronto
cu nan tabata por.

Elogio

Restu di dia e hendenan a dedica
pa kuier rond. bishita coffeshop, e
pool, tur rond e hotel y e jardin. Sa-
camentu di portret tabatin tur parti.



to tur e maletanan a bai pa hotel, na
unda e donjonan por a hanja nan
trobe.

Landamentu mes ora

Na e hotel tambe den lobby tabatin
un movimiento enorme. Pa motibu
cu no solamente e cien y pico pasahero-
nan cu a bini cu e avion, pero
tambe a yega como binti hende mas
cu a bini cu „Santa Rosa“. Pero aki
tambe e despacho tabata rapido. E
cuartanan tabata prepara caba y den
minimo di tempo esnan cu tabata
mas liher tabata landa caba den e
awa sabroso di e piscina di hotel; nan

y tambe hendenan cu tabata descansa
tranquil y agradablemente. Anochi si-
etor e avion di K.L.M. for di New
York a yega cu sesenta pasahero mas.
cu na e mesun manera rapido y efie-
ciente a worde atende.

Na e recepcion di ayera noch cu
bestuurscollege a duna den Papiamen-
toe Room di e hotel no tabatin otro
cos cu elogio. Aruba ta conciente di
e importancia cu e convencion di
ASTA aki taifica pe. Autoridadnan,
hotel y comercio a pone nan huntu,
nan a coopera bunita y a percura pa
e viaheronan experto manera esaki-
nan nan wowo lo habri y cu nan lo
„descubri“ Aruba den tur sentido di
palabra.

— WELCOME TO ARUBA —

Bon bini na Aruba..... Na nan jegada
tur e 94 convencionistanan di ASTA y
algun Arubanonan di e comision di re-
cepcion a pose un rato pa nos fotografo.

EMISION DI OBLIGACION- NAN DI BANCO ANTILLANO N.V. MASHA EXITOSO

ORANJESTAD. — E emision di
obligacionnan di e Banco Antillano
N.V., cual inscripcion a cuminsa dia-
razon, tabata, segun un aviso di un
di e dirigentenan, masha exitoso.

Henter e sumanan di emision di NA
fls. 225,000. — a worde deposita, prin-
cipalmente den circulacion comercial
di e isla. Mas of menos 90% di e
obligacionnan a worde cumpran na
Aruba e resto a bai pa Corsow.

lo aumentan, segun nan acerca e luga-
nan cu actualmente ta isola. Na San
Martin, den e cerunan Andes na e
Frontiera entre Chile y Argentina, un
vulkan a cuminsa scupi lava, ru-
bianan di zwavel y nubianan di shi-
Sigi lesa pag. 4

SALUDONAN FOR DI HULANDA

ORANJESTAD. — Saludonan cu
lo bini for di Hulanda e siman aki ta
di Joan Bennett y Alieta Mac. Donald
for di Dongen. For di Hilversum nos
por tende voz di Ligia Valen. E pro-
gramma aki lo worde transmiti awe
nochi via Voz di Aruba diahuebs pa
6.30 di atardi, y un retransmission lo
sigi diasabra awor na e mesun ora.

HOW DO YOU LIKE CUCUI?

„Con bo ta hanja Cucui?.....“ Tur e
pasaheronan tabata worde spacha pa
manan servicial cu un glas di Cucui.

Delegacion di Staten di West a bishita IJmuiden

Amsterdam, 25 mei — E delegacionnan di Surinam y Antillas
na Hulanda a bishita e hoogovennan na IJmuiden awe mainta
y awe tardi nan a jega Amsterdam pa un bishita di 3 dia.

Alcalde mr. G. van Hall a ricibi
nan durante un lunch na American
Hotel, cu a worde atende tambe pa
algun miembro di parlamento, cole-
gio di alcalde y tenientenan di alcalde,
algun cabezante di servicio, e presi-
dente dje fraccionnan di municipal-
idad di Amsterdam y varios represen-
tante di hida industrial di Amsterdam
y Zaai.

Alcalde Van Hall a tene un discus-
so y sr. J.A.O. Bikker, presidente di
Staten di Antillas, a expresa su grati-
tud pa e recepcion cordial. Sr. Bikker
a ofrece un brindis na fortificacion dje
lazonan di amistad cu Amsterdam.

Despues dje lunch e delegacionnan
di Staten a keiru door dje grachinan
y hafaan acompaña pa e otro perso-
nanan cu a atende e lunch, y despues
nan a encontra e miembronan di mu-
nicipalidad di Amsterdam na resi-
dencia oficial dje alcalde. Awe noch lo
tin un recepcion dje ministro di edu-
cacion, arte y ciencianan, den Rijks-
museum.

Recepcion na honor di hies-
pednan antillano

E ministro di educacion, arte y
ciencianan di Hulanda, mr. L.M.J.Th.

Cals, a ofrece un recepcion ayera no-
chi den Rijksmuseum, na honor dje
miembronan di Staten di Surinam y
Antillas. Entre e hopi huespednan por
a mira e miembronan Korthals, Zijl-
stra, Pos, Lampe, I.C. Dehrot y e se-
cretarionan di estado Roelink y
Scholten, un gran cantidad di miem-
bro di Eerste y Tweede Kamer, re-
presentantenan di Sticusa, e instituto
real pa trepanan, e Kon. Ver. „Oost
en West“ y figuracion di hida cultural
di Hulanda.

E miembronan di Staten di Surinam
y Antillas a wak e cuadroan tambe
den Rijksmuseum.

Awe e delegacionnan di Surinam y
Antillas lo bishita Werkspoor, Effect-
tenheurs.

A SLAAG NA A.T.S.

ORANJESTAD. — Segun senjor
J. v.d. Sloot, cabezante di Arubaanse
Technische School, a informa nos, nan
a tene examen na dia 11 y 12 mei p.p.
pa sterkstroom-hulpmotor V.E.V. Ver-
eniging Elektrotechnisch Vakonderwijs).
Tabatin 5 candidatos, y tur 5 a slaag.
Nan number ta: L.B. Bermudez,
R. de Mev. D.C. Slagt, R.A. Vrolijk
y J.R. Werleman.

GANA

P-L-A-C-A



BEBE PEPSI

„Look under the Crown“



trouble-free

If you cannot breast feed baby,
choose a food which resembles
breast milk in nourishment, in
digestibility and in health pro-
tection—Lactogen.

Lactogen is an all cow's milk
formula plus vitamins A and
D and iron, and it is so easy
to prepare.

thanks to

LACTOGEN



Prepared
by Nestlé's
especially
for
infant
feeding

Tres importante figura di ASTA



Aki nos ta mtra tres di e figuranan importante di e organisacion di ASTA, New York Chapter. Den center ta sr. Herman
Elberth, president di e chapter y director di Elberth Tours; na robes di dje ta senjor Paul Burns, president di entertainment
committee di New York Chapter y e homber cu a haci tur e trabounan preparativo na Aruba. Mas na drechi por ultimo ta
Jules Cortels, co-chairman di „arrangements committee“, e ta director di Atlantic-Pacific Tours.

DAMITA JO



Damita Jo, e artista nobo di Klompen
Klub a cuminsa cu su performacionnan
diazon anochi dilanti di un sala com-
pletamente jen. Aki riba nos ta m-
rele, el ta canta bon ta tur loka nos por
blao. Nos lectornan mes mester bai miré.

Pa copa Antillana.... Den floho partido R.C.A. a suspera Aruba Jrs 2 pa 1

GROSERIA DI REFERI VAN HAM
(Di nos redactor deportivo)

ORANJESTAD — R.C.A. v Aruba Jrs a topa pa di promer biaha pa e Copa Antillana diarazon anochi den Wilhelmstadion den presencia di un publico regular. Pa dirigi e partido aki a hini for di Corsow e arbitro Van Ham y un linesman, mientras cu for di Aruba a bai aa dirigi e mes anochi e encuentro, tambe pa Copa Antillana, entre Jong Holland y SUBT e referi arabiano Dunchi Tromp.

Den alocucion di Aruba Jrs. nos por nota des veterano cu a colga nan zapato. E bala, pero a responde ora cu un yamada a ser haci na nan pa un bala. E bala defende coloman di e club cu tanto anja nan a subi di duna hapi gloria. Nos ta referi na e hungadornan Chico Rencero y Mundo Kemp. Esos di promer max anja onda for di hoofdklasse cu Mundo. RCA tabata falta den su alineacion tanto Tuyo Werleman como Jose Boye, ambos lesiona.

E meta Azul ta sofri un atake peligroso den di 11 minuut ora cu Chito Croes ta cobra un headsbat cu ta rebota fuertemente contra di lata. Breinburg adelantando pa remata ta falla. Ta visto e superioridad den e onca di Solito. Continuamente e defensa di Aruba Jrs. ta hanjando mas on y ta tur loka ta nan ta poniendo den weg pa evita anotacion.

Juchi Jansen ta habri e score

Pero den di 21 minuut e defensa di Aruba Jrs. ta worde penetra cu exito. For di rechts ta worde haci un voorzet cu ta yega net cerca Juchi Jansen. Cu su pia drechi, algo extraño pa Juchi, e ta shoot aden y e bala ta dal na man di keeper Lolli sigi te den net. Score 1-0 na favor di R.C.A.

Cinco minuut despues e onca di Solito ta bolbe anota. E biaha aki ta for di un pase largo haci pa Breinburg e gol ta nace. E delantero surinamenjo di R.C.A. ta dribble bai aden

y ora cu keeper Lolli ta sali tratando di kile e cuero. Breinburg ta lanta net over di su cabez colocando e bala te den net. Score 2-0 na favor di R.C.A.

E atakenan cu Aruba Jrs. no ta resulta peligroso. Keeper Feki Caster ta ricibi un kopbal di Luisito Vingal-mekos cu un shot largo di e mes hungador aki y otro di Mundo Kemp cu facilidad.

Unico gol di Aruba Jrs. un penalty

Linea delantera di Aruba Jrs. no ta mostrando combinacion cu ta pasa e defensa di Solito. Pasenan largo te worde haci confiando den carrera di un of dos hungador.

Faltando cuatro minuut pa e promer terminacion, referi van Ham ta constata un headsbat contra di Gabriel Kelly den deegheid y ta muestra na e punto blanco.

Gochi Brion ta situa su mes tras di e cuero y su potente shot no ta duna keeper Caster ni chens di move.

Halftime a bai aden cu es score di 2 pa 1.

Segundo tempo sin cambio den score

Si den e promer tempo e partido tabata di un nivel desapuntante den e segundo el a bira peor.

R.C.A. ya no tabata forma e combinacionnan manera promer cu sosiego, pero apesar di esey nan a pose

e portero di Aruba Jrs. Godo Loeft-stok, kende a dreita despues di halftime, traha basta.

Juchi Jansen ta pose keeper Loeft-stok pasa un sustico ora cu e ta pasa dos di Solito y ta shoot duro. E bala ta rebota contra lata sin embargo y bin back sin worde provecha.

Yenko Albertsz tambe ta prueba su suerte pero su shot ta bai directamen-te den man di Loeftstok.

Cu un unita uital Godo Loeftstok ta lucy atrayendo un rato despues un shot di rechtsbuiten Oscar Steba.

E linea delantera di Aruba Jrs. tin menos weg aindi cu den e promer tempo y casi no ta logra forma atake.

Di otro banda keeper Loeftstok ta salba su equipo di un tercer anotacion ora cu den magistia forma e ta saka un shot di Breinburg cu largo uital.

Mal actuacion di referi Van Ham

Mas o menos 38 minuut di weg a tabata tin ora cu durante un atake di R.C.A. e back Gochi Molina ta cai y tene e bala meimei su pianan. E delantero di R.C.A. Lachi Reyes ta tira sehop riba e bala varios biaha. y Molina ta lanta para surgiendo por poco un peleg, entre e dos hungadornan aki E delantero di Solito indubablemente tabata tin falta den esaki ya cu no tabata necesario pe sigi busca e bala den e forma ey.

Na e momento ey Chia Brion y e masagista di Aruba Jrs. Manuel Oduber ta subi tercio. E promer segun el a declara na nos pa e calma e hungadornan, mientras cu e segundo a subi cu e bolsa di awa cu semper ta worde usa pa duna e hungadornan poco awa bebe. Referi van Ham a retira Chia for di tercio, kende a baha cu calma y a keda pafor di linea ta papia cu Molina. Masagista Oduber a cuminsa ta duna un di e hungadornan di Solito poco awa y e arbitro cu a mira esaki a bai cerea nan. ranka e

bolsa di awa tira for di veld y manda e masagista di Aruba Jrs. for di tercio.

Esaki ta un hecho absurdo y un muestra di falta di educacion. E arbitro tin tur su razon cu el e entrenador y e masagista por camina subi tercio asina, pero e no tin derecho di ranka e bolsa di awa tira for di veld den e forma ey. Ta un abuso di su poder cu si a worde haci contra di un otro persona, talvez lo a resulta den un paar di worta p'e.

Un biaha mas nos ke bisa cu e tin razon den saka e dos personanan ey, y nos ta spera cu e referian di aki tambe haci esey cu mas frecuencia, pero e a comete un groseria door di ranka e bolsa y tira pafor te hasta cu e bolsa a kibra.

E partido poco despues a termina cu e score di 2 na 1 na favor di R.C.A. cu asina a obtene su promer victoria den e Campeonato Antillano, mientras cu Aruba Jrs. a sufri su derrota number dos.


HENDENAN DEN NOTICIA DI ARUBA



Sr. B. Teugle kende dia 23 di juni lo retira di Lago despues di mas di 37 aña di servicio.



Aki riba nos ta mira sr. E. Byington kende a worde nombra gerente di departamento di Relaciones Publicas di Lago, como sucesor di sr. B. Teugle.



Dr. G. G. Hendrickson ta bira sucesor di dr. R. C. Carrell kende ta retira despues di mas di 28 aña di servicio.



ANNETTE BARDOUILLE un di e 115 estudiantenan di Emmanuel Missionary College na Berrien Springs, Mich cu lo promove dia 5 di juni p.v. Annette ta jhi di senyor y senjora B. J. Bardouille cu ta biba na Dominicaweg 5 na O'stad.



"TRUPIALEN" A TUMA DESPEDIDA DI KAMERMAN

ORANJESTAD. — Un idea magnifico di e Trupialen senoren tabata di tuma junto despedida di Ely y Piet Kamerman.

Un gesto mucho mas simpatico di nan tabata, di hunga un comedia na es ocasion aki, esaki tabata un sorpresa agradabel pa Ely y Piet.

Cu alegria nan a constata cu e lesnan cu nan a duna e Trupialen no tabata por nada y cu e muchanan a progressa hopi.

Riba e potret nos ta mira Sra. y Sr. Kamerman, probablemente pa ultimo hila riba un escenario rubiano, ricibiendo algun regalo.

NO TIN HUEZ NA ARUBA ACTUALMENTE

ORANJESTAD. — Pa motibo cu mr. P.A.C. Bondam mester a bai cu ziekteverlof y mr. J. Stenfort Kroese, huez substituyente, lo bai diadomingo awor cu dos luna di verlof pa Hulanda, desde majan Aruba ta sin huez.

Mr. Bondam, cu ya pa varios tempo mester a haci trabounan enorme pa motibo cu e segundo huez te aindi no a bini, mester sosiego absoluto ariba orden di dokter. Mr. Stenfort Kroese, jurista di compania di Lago, pero e ultimo tempo jambe un huez masha ocupa, ta bai otro majan cu verlof.

Te asina leuw cu nos sa nan a bini na un arreglo aindi pa loka ta toca substitucion di e dos huez nan aki.

JONG HOLLAND Y SUBT A TABLA


(Di nos redactor Deportivo)
ORANJESTAD. — Jong Holland y S.U.B.T. diarazon anochi na Corsow a empata cu score di 1-1.

Esaki ta trece un triple empate den promer luga entre R.C.A., S.U.B.T. y Jong Holland cada uno cu un gana y un tabla, mientras cu Aruba Jrs. ta na rabo cu dos derrota.



AWENOCHI pa 8.00 or
ZENITH vs. SOCOTORO STARS
(A-klasse)
Entrada Fl. 1.— y Fl. 0.50
Damas gratis.

C.C.A. DANS- EN BALLETSCHOOL
Het Bestuur van de C.C.A. Dans- en Ballet School maakt hierbij bekend dat de dans- en balletlessen per 1 juni a.s. weer zullen aanvangen.
De school staat onder leiding van de pas uit Nederland aangekomen danspedagoge Lucie Jurgens.
Inschrijving van leerlingen in het Cultureel Centrum, Joost van Vondellaan 2, Oranjestad, op vrijdag, 27 mei, zaterdag 28 mei en maandag, 30 mei a.s., tussen de uren 5.00 en 6.30 n.m.
De leerlingen die reeds zijn ingeschreven, kunnen op bovengenoemde dagen en uren hun lestijden komen afspreken.
Het Bestuur hoopt spoedig ook op San Nicolas met de lessen te kunnen beginnen.



CAMAY, Bo suave jabon di belleza ta ofrece Bo e bunita MANICURE SET aki

UN MANICURE SET PRACTICO CU LO BO GUSTA MASHA; E TIN TUR COS ADEN.

Solamente fl. 1.00 y 5 envoltura di CAMAY di cualquier colo.

Un estuche di plastic di bunita colo, cu ta contene no menos cu 7 pieza util, trahá na Inglaterra

Corre busca esun di Bo na:

CORSOW
Mensing & Co
Arriba di Hollandsche Boekhandel

ARUBA
Mansur Trading Co.,
Oranjestad o San San Nicolas

Miho Bo bai busca esun di Bo masha pronto mes pasombra e cantidad ta limitá

HBU HBU

Onze service gaat met de tijd mee!

Wist u... dat elke rekeninghouder van ons na iedere transactie een Dagafschrift toegezonden krijgt dat behalve beginsaldo en mutatie ook het eindsaldo aangeeft? Dit **exclusieve** systeem stelt U in staat dagelijks Uw bank-saldo bij te houden en maakt Uw controle veel gemakkelijker. Op aanvraag geven wij U gratis een opbergmapje voor deze Dagafschriften.

HOLLANDSCHE BANK-UNIE N.V.
KANTOOR ORANJESTAD

POSTBUS 148 - TELEF. 1200 en 1201
TELEGRAMS: BANCOLANDA

NAF	OUW SALDO	DEBIT	CREDIT	NOUW SALDO
2.440,12	18 10 00	10 03	120 50	
	18 10 00	10 03	34 43	
	18 10 00	10 03	1.200 00	
	18 10 00	10 03	225 50	
	18 10 00	10 03		1.250 00
	18 10 00	10 03		221 50
	18 10 00	10 03		180 17
				2.511 16

DAGAFSCHRIFT
DAILY STATEMENT

VERKLARING DER AFGREKENINGEN - EXPLANATION OF ABBREVIATIONS

AF - Afrekening van...
AG - Aankoop...
AL - Alleen...
AN - Aan...
AR - Aankoop...
AW - Aankoop...
BE - Betaling...
BO - Betaling...
CA - Cadeau...
CD - Cadeau...
CO - Cadeau...
CR - Cadeau...
DA - Dag...
DE - De...
DI - De...
DO - De...
DU - De...
E - E...
F - F...
G - G...
H - H...
I - I...
J - J...
K - K...
L - L...
M - M...
N - N...
O - O...
P - P...
Q - Q...
R - R...
S - S...
T - T...
U - U...
V - V...
W - W...
X - X...
Y - Y...
Z - Z...

Neem de HBU... Het Beval! U!

HOLLANDSCHE BANK-UNIE N.V.

ORANJESTAD — SAN NICOLAS

9 di 13 copa pa Aruba Jrs. den doble clausura di basketball

(Di nos redactor deportivo)

ORANJESTAD. — Tanto e Torneo de Copa Juliana como e Campeonato Oficial di Basketball pa anja 1960 a ceda clausura diamars anochi riba cancha di Aruba Jrs. Promer cu e parti oficial di entrega di copa na e diferente ganadornan, tabata tin dos partido final e torneo pa Copa Juliana.

E promer tabata entre e quinteto femenino di Estrella y di Aruba. E damanan di Sta. Cruz tabata n un ventaha di 7 pa 6 na half, pero hinga un fatal segundo tempo anogando apenas un fielgol den e ultimo minut di wega. Cu 8 punto anota den segundo tempo Aruba Jrs. a gana e partido y e Copa Juliana pa e division femenino.

peon di nos isla. Den e promer partido nan a elimina Y.M.C.A.

Reina di deporte Nilda I ta entrega capanan

Despues di e encuentro Frère Theodorus, secretario di Aruba Basketball Bond, a tene un discurso cortico den cual el a gradici tur e clubnan cu a participa e referenan cu a duna nan cooperacion meskos cu e score y time-keepernan y tambe Aruba Jrs. cu a facilita su terreno.

Srita Nilda Croes, Reina di Deporte di Aruba, luego a haci entrega di e diferente copanan.

Di e campeonato oficial e copa di Campeon a bai pa Aruba Jrs. di subcampeon pa Estrella.

Di e campeonato di junior, Blue Stars a ricibi e copa di campeon y Rangers (tambo equipo juvenil di Aruba Jrs.) esun di subcampeon.

Como campeon di clase B otro equipo di Aruba Jrs. y subcampeon tabata R.C.A. Den A-klasse Aruba Jrs. a ricibi un copa mas como campeon y Y.M.C.A. esun di subcampeon.

E copanan Juliana a bai di e division masculino.

E segundo partido tabata di enahel-los clase A entre Aruba Jrs. y U.M.B. quinteto aki di debutante no a de-ostrea cu excepcion di un solo hungar ex center di Plymouth. Boy Mar-ena, di tin caliber di A-klasse.

Ya na half e ventaha di Aruba Jrs. bata di 24 pa 4, mientras cu e ore final a bira 48 pa 16.

Aruba Jrs. A asina a gana e division aximo den Copa Juliana tambe rac-ficando asina e hecho di ser cam-

DESPUES DI CADA CUMINDA SENDE UN
CORONITAS
E SIGA MAS POPULAR DEN ANTILLAS



BO TA SINTIBO OTRO
CU
AIREACONDICIONADO NA CAS
Y
AIREACONDICIONADO NA OFICINA

Adios calor, adias stof, adias barata,
adios sudor y e ta casta menos di loke
bo ta kete



sion femenino pa Aruba Jrs; meskos cu di masculino clase A y B.

Den juvenil pa Copa Juliana si e dos equiponan di Aruba Jrs. a worde eliminado door di Don Bosco, cu a gana e copa.

Asina tanto e Campeonato oficial 1960 como e Torneo pa Copa Juliana a keda clausura. Ambos tabata exitoso y a goza di hopi interes di parti di e fanaticonan.

Como cu pa clase B dos copa a ser- duna door di firmanan pa e cam-peon e quinteto di Aruba Jrs. B como campeon a ricibi tres copa en total.

Los Azules de Socotoro indubable-mente ta haciendo gran papel riba jerenio di basketball y for di e colum-nanan aki nos ke felicitanan pa e record aki cu ta parce nos masha di-ficil pa ser iguala.

Gobierno ta cobra debenan chikitu via huez

ORANJESTAD. — E isla di Aruba tin varios debenan chikito di hendenan cu por chempio algun tempo pasa a luga chika un poos sanitario, pero cu te ainda no a paga.

Bestuurscollege cu mucho gusto kier ricibi e sumanan aki ainda y pesey a pidi Eilandsraad autorizacion pa bal cer-ca huez pa asina pa via di un sentencia hanja e placanan aki ainda.

Pa e comunicacion di rioolnan, cual a socode door di Openbare Werken, tin un suma di f. 560.— habri pa e anjanan di 1953 te cu 1955, despues di 1955 nan a pidi pa pago adelanta.


Pa anja 1956 ta falta ainda un suma di fls. 101.74 pa titamento di susli riba caja, mientras cu pa euentanan di poosan sanitario sin paga, ta falta ainda fls. 6.484.55 (for di anja 1953).

Tambe e biblioteca tin algo di haci cu e maleza di hendenan cu no kier paga. Ayunan tin algun di e miembro-nan cu por ejemplo no ta trece e bockinan cu nan a presta bek.

Ta berdaz cu un miembro mester paga pa un bocki cu a disparee y alavez paga un hoet, pero toch a keda falta un suma di fls. 541.22 e ultimo seis anjanan.

Tur e cosnan aki anto nan kier trece paden door di un sentencia di huez.

A MURI Mr D. S. JESSURUN-CARDOZO



Mr D. S. Jessurun Cardozo

WILLEMSTAD. — Diahuebs atardi a alcanza nos e noticia cu mr. D.S. Jessurun Cardozo a muri.

E defunto tabata asocia na bida cu mr. I. de Castro Yohai. E tabata conoci como un abogado talentoso y nos a tende ta pleita diferente bez dilanti tribunal den prome instancia y Corte di Justicia y nos a queda bao di impresion di su sintimentunan humano. Su palabranan tabata prue-banan evidente di un persona cu tabata conoce y trata tur cos cu sinceridad, cu sabiduria y principalmente cu husticia.

E tabata den sociedad di abogado-nan na Antillas como presidente hopi tempo. Tambe como publicista a sali masha hopi articulo di su man den „Antilliaanse Juristenblad“, di cual e tabata presidente di comision di redaccion. Ademas el a colabora masha hopi pa e organo Vereniging van den Handel en Nijverheid“. Masha hopi el a traha pa e sociedad aki. Y como cu e tabata conoce tur florecimiento y demas movimentonan comercial, e tabata un forza pa e sociedad aki.

Despues di baida di su ruman Sr. I. Jessurun cu tabata rabino aqui te na anja 1956, el a reemplaaza su ru-man como rabino interino, como den esaki tambe el a hanja educacion na Amsterdam.

Tel. 1637 Rondweg 49
Blaemenhuis ROZENoord
pa
FIESTA DI JUBILEO
Laga un experto hael bo trabou

BISHITA

E gran feria di Estrella

Pasa un rato alegre y yuda e trabou di frerenan pa hubentud di Sta. Cruz.
Lo tin un „door-prize“ tur anochi.

Een beroemde naam op radiogebied:
TELEFUNKEN, verkrijgbaar bij



CUMPLIANJOS

E hobereita Maxima Werleman ta ricibi su primera Santa Comunion y ta ricibi felicitacion di su mama tata, rumannan, tambe di su madrina Anna Dirksz, especialmente di su amiga Rica Croes y demas familia Werleman y Dirksz.

Awe ta celebra su feliz cumpleaños Srita. Catarina Kelly y ta ricibi felicitacion di su dos amiguanan Lima y Sita Dijkhoff.

Ta celebra su feliz cumpleaños Srita. Maria Maduro y ta ricibi felicitacion di su tata Felipe, masha Louisa, rumannan Annie, Linda, Betty, Elsa, Carmen, Felipe, Carlos, Mirna, Greta, Edwin Glenda Maduro, tambe di su welo Carlos Thiel, tanta y omonan, madrina, padrino, especial-mente di su comprometido Luis Wink-laar y demas familia Maduro, Wink-laar na Bonaire.

E simpatica y encantadora senjorita Everanda Jane Sologner ta recorda su fecha natal y ta ricibi felicitacion di su mama Bertha, rumannan Elsa, El-sira, Swinda, Nelson, tambe di su we-lonnan Roman y Antonia, 6 omonan, 3 meta Brigida Adriana y Emilia, Seterin, Beatrix, y Franklin Ridder-stap, Rosa Angela, intima amiga Jet Nicolaas, Frida Evertsz y Mavis Woods y demas familia Sologner y Geerman.

Ministro Isa a sali pa Hulanda

WILLEMSTAD. 25 mei. — Ajera mainta e ministro di Justicia di Antillas Hulandes sr. R.J. Isa, a bai Hu-landa pa tene discusion.

PRESENTACION DI BALLET

den 4 acto di
„ASSEPOES“
den Cultureel Centrum
Diaabierne 27 di mei 7.30 'or
Diasabra 28 di mei 6.30 'or
Kaarti ta obtenible na Boek-handel De Wit.
Hende grandi: f2.50 - Mucha: f1.25

A CABA DI YEGA — NOBO, NOBO CUADRA DI TUR SANTO

hopi tamanjo for di Fl. 1.50
Prijs especial: HOUSE COAT

Fl. 5.— pa'riba

PALAIS ORIENTAL

Oranjestad San Nicolas

ARUBAANSE COURANT

diariamente cu excepcion di diadomingo

Edi- pa
N.V. ARUBAANSE DRUKKERIJ EN
UITGEVERIJ EN PUBLICITEITS MIJ.
Nassaustraat 85 - Oranjestad, Aruba N.A.
Suscripcion f. 75.— paga adelanta
Edicion suelta f. 20 ct

Telefon: 1118 Directiva y anuncio
2116 Redaccion y suscripcion
Directie-hoofredactie: Dr. J. Steerjke
Imprimi na N.V. Drukkerij „De Sted“

Agenda

CINE

DE VEER 8.30 „Watani“ 4.1.
RIJLTU 8.00 „Amor en Florencia“ 18 j.
PRINCIPAL 8.00 „Jans Griss and Gang-sters“ 18 j.
AURORA 7.30 „I bury the Living“ 19 j.
SAVANETA 7.30 „The camp on Blood Is-land“ 18 j.

WIT-GELE KRUIS

Zr. Ewolda - Zr. Perpetua. tel. 2200

BOTICANAN DI WARDA

Oranjestad: BOTICA ODUBER tel. 1780
San Nicolas: BOTICA CENTRAL, tel. 5006

POSTSLUITING

Vrijdag
Baranquilla 15.30, Bogota 8.30, Curacao 8.30 & 16.00, EUROPA 8.30 & 15.30, Miami 8.30, New York 8.30 & 15.30, Caracas 15.30.

Un verdadero conocedor di cervex
ta exige

TUBORG

e mihor cervex di mundo.

ODUBER & KAN



VERREKIJKER

Aruba Curacao

RADIO KELKBOOM

Diabierne 27 di mei

11.30 Opening
11.31 Musica Varla
12.00 Lunchmuziek
12.10 Noticias local na Pap.
12.25 Nieuws (internationaal y lokaal)
12.45 Norte Americana
12.55 News in dutch
1.00 Musica Varla
1.30 Sluiting
4.00 Hancheras
4.30 Noticias na Pap. Gokaal-polis y deportiva
4.45 Cocktail Musical
5.00 Danzones Cuban
5.15 Nat King Cole
5.30 Hermanos Higuera
5.45 Calypso
6.00 Kluierkoor
6.15 (Simple anjos fella
6.30 Dinermuziek
6.45 Vouchichtigdienst
7.00 Noticias na Pap.
7.15 Musica Varla
7.30 Musica Italiana
7.45 Nieuwsberichten
8.00 Norte Americana
8.15 Laxrinas de una madre
8.30 Musica Cubana
8.45 Luchu Galica
9.00 Peliculas
9.30 Boxeo entre Don Jordan y Genny Kid

RADIO VICTORIA

Diabierne 27 di mei

11.00 Apertura
11.15 El Mundo Femenino
11.30 Melodias di Meridia
12.00 Ultimas Noticias
12.15 Musica Sagrada
12.30 World News
12.45 Organ Memorias
1.00 Radio Concert Hall
1.30 The Reading Room
2.15 Sacred Songs
2.30 The Quiet Hour
2.45 Nieuws Musicales
3.15 Cafe con Musica
3.30 Luz y Verdad
4.00 Musica di Banda
4.15 Kromen Celestial
4.30 Radio Kid's Bible Club
5.00 Joyas del Hogar
5.15 Hancheras di Bida
5.30 Interudio Musical
6.00 Ultimas Noticias
6.15 Sucesos Deportivos
6.30 Noticias Hulanides
6.40 Musica Clasica
7.15 The Bandstand
7.30 Unshackled
8.00 World News
8.10 Off the Record
8.30 Back to the Bible
9.00 Musical Gems
9.30 Haven of Rest
10.00 World News
10.15 Hymns that Live
10.30 Sign Off

RADIO CARACAS TELEVISION

Viernes 27 de mayo

9.25 Patron de Radio Caracas Television
9.37 Informacion sobre los programas del dia
10.00 Calendario de Mama
10.30 Cosas de Mujeres
11.15 Cortos Cinematograficos
11.30 La Perfecta Ama de Casa
12.00 El Gran Show de las Duce
1.15 Su novela Favorita
1.50 El Imparcial Television
2.00 Documentales
2.30 Club Femenino
3.00 Por el Ojo de la Cerradura
4.00 Estudio de Hector Monteverde
4.30 Club de los Nietos
5.30 Cortos Cinematograficos
6.00 Cortos Cinematograficos
7.15 La novela Ace (estudio 10)
7.30 Revolver a la Orden
8.00 El Observador Creole
8.15 Su novela Palmolive
8.30 Fiesta Popi
9.00 La novela Camay
9.20 Documentales
10.00 Documentales
10.30 Cineprograma
12.00 Patron de Radio Caracas Television Despedida



See the new
AUSTIN A40
AT

WARENHUIS v.d. REE -
LA VICTORIA
Distributors

AMSTEL ANTILLANO

semper FRESCO
semper SABROSO
y... HOPI MAS BARATA

AMSTEL ANTILLANO SEMPER OBTENIBLE NA BO TIENDA PIDI AWE MES.

Solamente
Fls. 8.75 pa caha

AMSTEL
BEER

UN BRUID COMO OFERTA pa TUYUCHI

Pero nunca e por a imagine cu l'a-sina repentinamente lo e mester a bandona Overlay y ser transporta pa cas dje marques mes. Nunca e por a pensa di mester a despedi asina rapido dje luga caminda tur cos tabata asina confia p'e y asina queri n'e.

Nan a bandona Overlay pa l'or di merdia y lord Bolkan a bis'e cu nan lo alcanza Mandrake pa 7'or di anochi.

En realidad nan tabata biaha masha rapido y Theresa cu despues di cada taitu tabata tira un bista door dje bentana di glas su tras tabata hanja un sombra dje lord, tabata comprende cu e lord tabata corre su cabai como si fuera e tabata desea di a yega mas pronto na final di su viaje.

Y un biaha cu el a mira e lord su cara masha cla, el a estremece. E ta-

hata bunita y sinembargo tabatin algu den su cara cu tabata duna hende miedu. Si, den hopi sentido Nicolas tabatin razon, El a comprende awor tambe cu ta riba lady Isabel Nicolas tabata enamora. Y ora cu el a jama den su memoria trobe e imagen dje muhe aqui, Theresa a hin sinti un profundo compasion awor numa cu Nicolas.

Pober Nicolas. Ta lastima cu e mester a perde su curazon cu un muhe cu tabatin asina poco importancia p'e y su existencia. E muhe aqui tabata tuma parti den e circulo di aristocrata-nan cu e prias tabata asina cune y lo el a hari Nicolas pa su pretencion-nan di locura. Sinembargo e muhe a-qui su idea tabata dirigi riba un otro homber cu tabata trate hasta cu in-diferencia, Sinembargo t'asina la capi-

cho d'imuhe.

Ora cu e karos a para diripiente, Theresa a hiza cara mira l'fo, spe-rando cu lo e tabata den un patio di un posada, pero pa su mas grandi sorpresa e tabata mira solamente cam-peonan ondulando, confina pa un bos-que secur. Ta paquico lo nan a stop aqui, e tabata puntra su mes. Y e ora ei un dje portalan dje karos a ser a-hri pa un dje cocheronan. E masques a drenta y a cai sinta banda di The-resa.

Y mientras el a cai sinta el a bisa: „Nos ta falta awor solamente dos kilomete mas di distancia. Gustosa-mente mi ki quier acompaña bo e ultimo distancia dje paseo, noble sen-jorita.“

„Esei mi ta hanja masha simpatica di ho mylord“, Theresa a responde mientras el a hala mas den huki.

Cu un arranque e karos a continua su viaje trobe.

Auto e lord a informa:

„Nadita“, Theresa a responde. Bo

„Bo ta cansa?“

coche ta masha comfortable.“

„Ma larga trahé especialmente pa

Theresa a haci manera e no a com-prende.

Mi primo Nicolas a conta mi di Mandrake“, el a bisa. „El a bise cu esaki mester ta un castillo masha bunita aunque cu nunca e mes no a mir'e. Pero bo mania, mylord... ta quico lo e bise di mi yegada inespere-ra?“

„Esei no ta inespera“ lord Bolkan a responde. Y Theresa a supone cu su stem tabata un poco sara. „Awe masha tempran eba mi manda un mensahe Mandrake pa mi participa mi mama... cu lo mi trece ho cas“.

„Lo e no queda bahuca?“ Theresa a puntra.

„Esei lo nos tin di spera ainda“, e marques a bise serio. „Reuccionnan di mi mama generalmente ta incon-sistente, pero ho mester trata di no tene miedu di dje“.

„Lo mi haci mi posible“, Theresa a responde y na un manera di desafio el a agrega acerca: „E ta masha... eh... formidable?“

„Asina nan ta bise alomenos“, ta-bata e contesta di e lord cu un sen-risa vaga. „Pero asina nan ta bise di mi fambo“.

„Den esei nan tin razon sigur“, Theresa a bise sin reflexion, pero

impulsivamente el a bise despues: „Ta duel mi. Propiamente mi no mester a bise esei. Pordona mi por favor“.

„Aqui no tin nada di pordona“, e lord a responde. Mi ta gusta sinceridad masha bez en cuando“.

„Esei ta un bon cos, mylord“, Ther-esa a responde. „Bo ta mira mylord, mi ta en realidad un mucha muhe di cuencu pero durante e anjanan cu ta mi tras mi tabata mi mes bue sem-per. Ma bise loque m'a pensa y m'a haci loque m'a desea y nunca ningun hende no a haci un of otro observa-cion riba esei.“

„Mi ta teme cu compara cu bo a-migocnan den circuloña civiliza y a-ristocratico, lo bo hanja mi mucho bol quizas“.

Lord Bolkan a bise su cara awor pa Theresa y tabata parece e mucha muhe aqui como si fuera tabatin al-gu di interes den e wowonan indife-rente y gris aqui. El a queda ta mira Theresa asina como algun seconde y a bise despues inespere:

„Bo tin berdad di priminti mi un cos, noble senjorita Overlay?“

„Sigur, contal cu ta un cos e-m-por“.

„Priminti mi cu semper lo bo si-

gui bise mi berdad“, lord Bolkan a bise. Den e dianan aqui mundo ta yen di hende cu ta carga un masea-ria ta haci manera nan ta papia berdad y ta ganja. Ta molestia mi masha tan-tu ora cu un hende ta bise di otro manera cu e ta en realidad y mi no por soporta mentira. Por ta cu bo ta odia mi, pero sea asina bon di bise mi semper berdad“.

„Paquico no?“ Theresa a responde. „Esei ta un promesa cu facilmente mi por haci ho, mylord, pasobra mi ta segura bo cu hamas lo mi papia di otro manera sin berdad“.

Bolkan a suspira.

„Mi ta spera cu semper lo queda fa-cil pa ho mantene esei“.

Despues dje palabranan aqti taba-ta reina un silencio entre y Theresa tabata mire cu rabu di wowo. Qui un homber strango esaki! Primeramen-te e tabata papia eue como si fuera e tabata un chispa di interes den dje covez di fastidio.

Y Theresa tabata puntra su mes: Por ta infeliz e ta? Pero unbez el a bolbe contesta su mes: Ta quico esei ta importa mi? No ta mi asunto asina leu tampoco“.

E coche a banja un velocidad mas grandi awor cu nan tabata corre ha-ha e cerriti. Theresa a lur p'for y a ripara cu solo tabata habando y cu cielo a banja un ardor di oro.

„Bo cas ta queda hopi leu ainda, mylord“ el a puntra.

„Denter di algun minuut lo bo mi-ra Mandrake, noble senjorita“.

Hamas den su bida Theresa lo lu-bida e prome bista y impresion di Mandrake. E luga aqui tabata queda manera medio forti medio castillo y tabata forma un contraste contra e horizonte corra di oro. Tabata par-ce manera e tabata enteramente ron-dona pa lamar y ciendes di su bentana tabata saluda y jama un cordial hon-bini deca e crepusculo cu tabata cai.

E bista aqui tabata asina fascinan-te, cu Theresa mester a cerra su wo-noman pa tantu belleza. Ora cu el a abri su wowonan trobe, Mandrake a resuscita mas di acerca dilanti su bista, asina enorme, asina alu, asina ma-siva y asina rudo alavez, cu el a sin-ti su mes asig chiquito e insignifi-cante y awor e la sinti miedu.

(E ta sigui)

EL CISCO KID

1. „Aki mi tin bolet gratis pa feria! „Oh! „Aah! „Eh! „Di... di verdad? 2. „Di verdad, si! Un tio di mi a laga placa pa mi, y di feliz cu mi ta sinti mi, mi quier pa tur hende gosa... 3. „Un rato despues ora e picaro ta sali... „Oh! Ata la fieru ta bini! „E no mester mira mi! JUAN EL INTREPIDO



JUAN EL INTREPIDO

1. „Nos a pasa nos segundo gran peligro! Lo bin otro mas puer nos ta masha leu den Tibet! „Mare e piloto rojo no a avisa su base promer cu e la cay, pasobra mas lo bini! 2. poco despues... sin incidente... „Aki e mester ta! Mi ta sigur! 3. „Bo tin un gran sentido di orientacion, Mulit Scandi bau di e baranca ey, nan no por mira di ariba! „Esey ta explica paquico e rojonan no a mire!”



DICK TRACY

1. „Pero mi no a mira ningun hende ey bau. Mi a pensa cu nos a papia solamente cu un hende via radio”. 2. „Nos a papia, pero nan ta na Honolulu”. „Esaki ta e unico lugar cu nos por baha sin cu nan por mira nos”. 3. „Nan lo manda un boto pa nos”. Pero e playa chiquito ey! Nis no por baha ey riba! 4. „Bo quier hacé apuesto?”



RIP KIRBY

1. „Tur e esfuerzonan di Vision no ta haci Desmond bin na tino. 2. „E no ta des-perta! Quico lo mi haci?” 3. „Quizas esaki por sirbi pa hiza Rip”.



EL PRECIO DEL TRIUNFO

1. „Marceau, e modo cu bo sabi tur cos, ta sara mi! Bo, bisa mi PAQUICO mi a gana avengechi? „M'sieu Saxon, mi tin amigo cu sabi cu mi ta vende „informacion...” cu manera semper por tin algun utilidad pa nan tambe... 2. „Mi ta na altura di e manera cu bo ta traha, amigo! Conta mi e caso awor! 3. „E caso ta, senyor... cu tur cos tabata regla lo que bo tabata bay gana! 3. „Esey ta lo que nos ta jama „manja bieuw” di Baron Rondiyet!”




EL DIARIO DE UNA VIDA

1. „Mi ta bay bisa papa quico e bruha ey, Kay Coby, a bisa di die. Y papa lo bisa senyor Ulbeck, y... „Mejor bo no haci esey, Eva... 2. „No? „Quizas e la bisa esey pa envidia. Di otro banda... 3. „Tin algo verdad di lo que la bisa, Di tur modo, si papa mester tuma algun decision, e mester sa... y ningun hende mas!”



PEPITA

1. „No bisela, cu mi a bisa bo, pero papa a cumpra un barba falsol! 2. „Ta parce cu bo ta gusta e sopi, querido? 3. „Increible!” 4. „Lo mi mester laga dokter examina mi vista!” „Paga e luz, querido!”



H. STEEBER ASST. MNGR. NOBO DI HOTEL

ORANJESTAD. — Como sucesor di senyor Paul de Miko a keda nombra senyor Henry C. Steeber, Senyor Steeber a jega dilauna ultimo na Aruba y den Aruba Caribbean Hotel e lo bai ocupa e puesto di Executive Assistant Manager, un puesto cu ta keda directamente bai di esun di senyor E. Berry.

Senyor Steeber, kende su esposa lo jega na fin di otro siman, tin ademas di un experiencia pa varios den asun-tonan di hotel, a jega di traha tambe 3 anja y mei huntu cu senyor Berry. Esaki tabata den e „Pick Miami” hotel na Dayton, Ohio. E dosnan aki anto conoce otro pa basta tempo caba, asina cu bon comprendemento ta algo sigur. Senyor Steeber a nace na Vien-na, Austria, pero ta biba y traha pa anjanan na Estados Unidos. Riba e foto nos ta mira na robes senyor Steeber y na drechi senyor Berry, Maitre d'hotel Jan Leenders, cu huntu cu barkeeper Al, ta pertenece na e vetera-nan di mas bieuw, lo bai otro siman cu un luna di vacante. For di 1 juni te 1 juli lo e ta ausente y du-rante e tempo ey lo e bishita Estados Unidos, Montreal y Venlo, Hulanda.

TEMBLOR SEVERO NA CHILE

Continuacion di pag. 1

nishi, cual ta cubri un territorio gran-di. Tin masha hopi shinishi caba den tur e cajan di San Martin. Na O-sorno, Chile, tambe un vulkaan a cu-minza funciona.

Entre tanto e cantidad di morto na Chile a ascende na mas cu 1.400. E ultimo noticianan ta bisa cu tur e pueblonan di pesca entre Valdivia y Ancud, cubriendo un distancia di mas cu 300 km, a keda destrui.

Ministerio di asuntonan interno di Chile a informa cu tur e vulkaan na parti sur di cerro Andes ta ac-tivo, y cu shinishi ta worde tira over di un region, cu a sufri caba die tem-blornan y e ola nan grandi. Parce cu ilos vulkaan nobo a origina, Na Co-naique den e departamentu Cautin, na unda un vulkaan nobo a origina, 60 hende a muri door di cu tera a schuif.

Nan ta evacua miles di hende for di region entre Orsco y Valdivia, parti sur di Concepcion. 7 vulkaan ta scupi lava y huma aja, e awa den e lagonan ta masha activo y continua-mente tin temblor nobo cu ta causa mas intrankilidad y confusion.

Hollandia — E ola nan grandi a jega Nueva Guinea Hulandes Tambe. Tres ola a causa danjo na Enggor, un pueblo cu ta situa entre e Hum-buldbaa y e baai di Jaueta, ajera. E segundo ola a causa danjo na 7 cas; e tercer ola a destrui 6. No tabatin desgracianan personal. Despues di segundo ola nan a evacua 150 muhe y mucha.



Director di Arubaanse Courant.

Cu bo permiso mi kier ocupa algun linja den bo courant pa mi skirbi lo siguiente. Tabata tin hopi comentario entre Chauffeurnan di H auto tocan-te Taxi meter tin ta bisa ta un compania di H-auto na otro Pais ta instala meter den auto pa donjo nan check cuanto e auto a core y si e ta com-pleto cu loke el a gana otro ta bisa Aruba ta chikito pa instala meter siendo no tin tanto lugar pa core.

Otro ta bisa pakico hasi un gasto di asina tanto placa siendo por traha 50 buki nos kier mean 50 tarifa cu no por costa quen sabi ni 100 florin.

Ma despues di tanto comentario nos a jega na un solucion atrobe. Ma si ta Gobierno su exigencia pa medio di algun Chauffeur cu den kibocacion a comete algun Error na ora di finalisa-mento di careda entre e pasagero y Chauffeur, wel podiser ta eise ta tur e motibo ma kibocacion tin den tur ne-goshi mas tanto pa banda di e ne-goshante ma eise semper ta keda den scur. Awor ami ta hanja pa lugar grandi di chikito esei no ta tur e pro-blema pero Autoridad nan mester per-cu pa nan bai tin dificultad entre e prijs pa cada K.M. pasobra actual-mente e prijs di K.M. ta poco na com-paracion cu e distancia nan y tambe e ta hasa riba tur prijs nan di articulo pa nos y nos familia nan y e auto tambe, y tambe Autoridad nan sabi ta cuanto tempo nos ta pidi un aumento y e aumento cu nos ta pidi. Autoridad nan no mester tume na chanza pero pense na comparacion cu Belasting cuanto por cinto nan a subi y sin ningun consideracion, awor Gobierno mester sabi tambe pa cubri tur e gasto nan tin halto cu nos ta den. Primera-mente mester trabou y eise ta loke ta haci falta y pa loke cu tin H-auto ta mucho hopi, pesei nos ta organisa 3warda pa nos duna Lago servicio awor trahando 3 warda pa gana 1.50 of 2.00 awor un hende cu tin familia mesos cu nos ta sigur e ta comprende cu esei no ta jega pa nada casi y pa combati esaki Gobierno mester hasi H-auto nan menos na San Nicolas. Y barco di turista ja casi no por depende ariba esei pasobra ta uno pa siman so-lamente y varios bes e no ta bini tam-poco. Anto awor si nos ta spera cu e grupo cu ta forma e Gobierno pa jega na comprende nos situacion. Atrobe un poco mas riba meter awor den pro-fundo di anochi si nos a haya un ca-reda esei ta un extra prijs y tambe ora un pasagero kier pa warda esei ta imposibel pa e meter lora, ma mester ta posibel pa marka den un otro for-ma. Anto pa awor mi ta stop aki cu miles di gracia na Arubaanse Courant y mas progreso.

Th. Kock



Ladron den school

ORANJESTAD. — Un ladron-li-mosero a dreuta den un di e local-na di St. Augustinus College door di forza un di e bentananan di jaloerie. Tur loke cu e por a hanja den e klas aki tabata algun articulo cu e mu-chanan sa usa y un spairpot di plastic. Pero e tipo desconoci aki no tabata satisfecho, y a sigi pa un otro klas. Aki den si e tabatin un poco mas suerie. El a forza un lessenaar, y hanja un otro spairpot den un di e lachinan.

Tabata masha facil pa saca conte-nido di e spairpot aki, hinkel den su saco, y a baha na awa. Kende el ta, polisnan ta buscando.

Pa tur bo asegueron F.A.T.U.M. — Tel.: 1845

Mas ladroncitos ainda

Club La Fama na Savaneta tambe a hafia bishita di anochi laat. Mucho cos nan no a banja. Solamente a keda e posibilidad cu e ladronnan cu fla-keza a abus di e contenido di e fri-gidier.

Na Van Gijn's Hotel na Lago Heijts tambe aan a trata na tira un robo. Refresqueria Polar na Savaneta tambe tabata un di esnan cu a worde bishita pa desconocidos. Kiko nan a berde no ta conoci ainda. Polisan ta buscando e atrevidonan.

Baby basta sperto

Na un cabuya di colozo panja den cura di parcela Curacabaai 5 nada me-nos cu 15 broeki a disbarce. Nos ta curioso na sabi ta cual ta e baby asina enierio caba for di un edad asina joven. Of por ta un di e „gran-dian” talvez?

A perde

Senior M. Ridderstan di Pos Abau 28 a perde un cartera conteniendo al-gun portret y un cierto suma di placa.

RADIOKINDERKOOR

ORANJESTAD. — E cantica nobo cu kinderkoor lo trece nos diabierna awor sei'or di atardi via radio Kelk-boom ta lo siguiente:

„Heer Jesu heeft een hofken daar schoon bloemen staan. Daarin zo wil ik plukken gaan, 't is wel gedaan. Men hoort daar niet dan engelenzang en harpengespeel. Trompetten en kleretten in die veelkens alzowel. Trompetten en kleretten in die veelkens alzowel.

Die lelickens die ik daar zag, zijn zuiverheid. Die zoete violetten zijn ootmoedigheid. Men hoort daar niet, enz. De schone purper roze was de lijdzaamheid. De schoone vergulde gouden bloem, gehoorzaamheid. Men hoort daar niet, enz.”

Siguiente canticanan lo worde ripiti:

„Kippetje, waarheen?” (solo Petra Hollander y Shirley Roos) „Piet cu Hein” „Vanwaar komt gij getreden?” (Solo: Carla Kelkboom) „Paribi Ponton”

Petrona & Croes

Dakota - Tel. 1712-1639

Madera di tur sorte y den tur midi.

Throughout the world more people buy Seagram's V.O. than any other imported whisky.



Superb „on the rocks” or in highballs

ARUBA TRADING CO. Oranjestad - Aruba